



Inatsisartunut ilaasortamut

Karen Marie Kyed Frederiksenimut, Demokraatit

Politiit pillugit § 37 naapertorlugu apeqqummut nr. 075-imut akissuteqaat

27-08-2025
Suliap normua: 2025 - 13783

Asasara Karen Marie Kyed Frederiksen

Postboks 930
3900 Nuuk
Oqar. (+299) 34 68 00
Faxi (+299) 43 02
E-mail: asu@nanoq.gl
www.naalakkersuisut.gl

Apeqqutitut qujanaq. Apeqqutit ataani oqaluttuareqqinneqarput akissummillu kinguneqartinneqarlutik. Akissuteqaammut atugassanik Inatsiseqarnermut ministereqarfimmit paasissutissanik pissarsisoqarpoq.

1. Politiit nunaqavissut qassit maannakkut Kalaallit Nunaanni politiini atorfeqarpat?

- Nunatta sortaanni taakku inissisimappat?
- Politiit nunaqavissut aggersitallu procentinngorlugit qanoq agguataarneqarpat? Akissutip skemanngorlugu sananeqarnissaa kissaataavoq.
- Naalakkersuisut ilisimasaqarnerpat, politiit nunaqavissut qassiut ukiuni kingullerni tallimani suliffimminnit soqaarniuteqarsimanerannik?
 - Soraarnermut peqqutaasut ilisimaneqarpat?

2. Qanga kingullermik iluarisimaarinninnermut assigisaanilluunniit politiini misissuisoqarsimava?

- Taanna sulisorisat iluarisimaarinninnerannit, atugarissaarnerannit suliannillu tatisimaneqarnermik qanoq takutitsiva?
- Misissuinerup inerneru tunngavigalugit suliniutit suut aallartinneqarnikuuppat?

Akissut:

"1. Apeqqutit akineqarnissaannut paasissutissanik atugassanik Rigspolitiinit Inatsiseqarnermut ministereqarfik pissarsisimavoq, taakkulu tulluuttut paasissutissiissutigaat:

- Ulloq 31. maj 2025 najukkani politiini tjenestemandit 91-iusimasut, kiisalu Kalaallit Nunaanni Politiini politiini tjenestemandit qallunaat aallartitat 83-iummata, Rigspolitiit

paasissutissiissutigisinnaavaat. Najukkani politiini tjenestemandit kiisalu qallunaat aallartitat tabelimi massuma ataaniittumi suliffigineqartunut agguataarlugit inissitsiterneqarput:

<i>Suliffigineqartut</i>	<i>Najukkani politiini tjenestemandit</i>	<i>Politiini tjenestemandit qallunaat aallartitat</i>
<i>Aasiaat</i>	1	5
<i>Ilulissat</i>	5	6
<i>Ittoqqortoormiit</i>		2
<i>Kangerlussuaq</i>		1
<i>Maniitsoq</i>		4
<i>Nanortalik</i>		3
<i>Narsaq</i>		2
<i>Nuuk</i>	67	37
<i>Paamiut</i>		2
<i>Pituffik</i>		1
<i>Qaanaaq</i>		2
<i>Qaqortoq</i>	8	2
<i>Qasigiannugit</i>	1	1
<i>Qeqertarsuaq</i>	2	
<i>Sisimiut</i>	7	2
<i>Tasiilaq</i>		8
<i>Upernavik</i>		2
<i>Uummannaq</i>		3
<i>Katillugit</i>	91	83

Najoqqutaq: Politiit sulisut pillugit systemiat, POLPAI ulloq 31. maj 2025.

Ukiuni kingullerni tallimani najukkani politiini tjenestemandit 41-it, Kalaallit Nunaanni Politiinit soraarsimanerat Rigspolitiit taamatuttaaq paasissutissiissutigisinnaavaat. Soraarnermut pissutsip suussusai tabelimi ataaniittumi paasissutissiissutigineqarput:

Soraarnermut pissutsip suussusaa	2020	2021	2022	2023	2024	2025-imi 1. januarimiit – 31. maajimut
<i>Soraarniarluni qinnuteqaate- qarsimaneq</i>	4	1	1	2		
<i>Soraarnerussu- tisiaqalerneq</i>	1	1	1		1	
<i>Soraarneq qinnuteqaatigin eqanngitsoq</i>	1		1	1	1	1
<i>Sulinngikkal- larneq</i>	5	2	6	5	7	1
Katillugit	1	4	9	8	9	2
<i>Sulinngikka- llarnerup kingorna utertut</i>	2	0	0	2	1	1

Najoqqutaq: Politiit sulisut pillugit systemiat, POLPAI.

Najukkani politiini tjenestemandit Kalaallit Nunaanni Politiinit sooq soraartarnerinut pissutaasut pillugit, Rigspolitiit ilisimasaqanngillat.

2. Apeqqutit akineqarnissaannut paasissutissanik atugassanik, Kalaallit Nunaanni Politiinit paasissutissanik Rigspolitiit pissarsisimapput, taakkulu tulluuttut paasissutissiissutigat:

”Kalaallit Nunaanni Politiit kingusinnerpaamik 2024-imi februarimi tarnikkut Sullivimmik nalilersuineq (APV) naammassisimavaat, tassanilu qaaqusaasunit 281-iusunit 217-it uuttortaaneq akissuteqarfigisimavaat, taassumalu akissuteqarnermut procenti 77,2 pct. assigaa. Sullivimmi tarnikkut atukkat pineqartillugit unammilligassaqartoq, Sullivinnik nalilersuinnermit pingaarnertut inerniliussat takutippaat, matumani ingammik pisunut sakkortuunut attuumassuteqartut kiisalu innuttaasunut sammititamik suliaasanik naammassinninniaanermi nakkarsaanertut ilusillit, qunusaarinerit imaluunniit qaammatit kingulliit 24-it iluani sulinerup nalaani imaluunniit avataani innuttaasunit/avataaneersunilluunniit nakuusernerit ilanngullugit.

Inuit 21-it (10 pct.-it missaat, ullut tamaasa (inuit 2), sapaatit akkuneri tamaasa (inuit 4) imaluunniit qaammatit tamaasa (inuit 15) suliffiup iluani innuttaasunit/avataaneersunit nakkarsarneqarsimallutik, qunusaarneqarsimallutik imaluunniit nakuuserfigineqarsimallutik akisimapput.

Inuit 3 (2 pct.-t missaat) ullut tamaasa (inuk 1), imaluunniit qaammatit tamaasa (inuit 2) sulinerup nalaani innuttaasunit/avataaneersunit nakkarsarneqarnermik, qunusaarneqarnermik imaluunniit nakuuserfigineqarnermik misigitinneqarsimallutik akisimapput.

Inuit 5 (3 pct.-t missaat) ullut tamaasa (inuk 1), imaluunniit qaammatit tamaasa (inuit 2) sulinerminni pisunik ima sakkortutigisunik, allaat tapersersorneqartariaqarnermik/malitseqartitsinermik pisariaqartitsisoqarsimalluni, misigitinneqarsimallutik akisimapput. Inuit 76 (35 pct.-t missaat) pisunik taamaattunik arlaqanngitsunik misigitinneqarsimanertik angerlugu akisimapput.

Suleqammit/aqutsisumit pimmatigineqarneq aamma tiinganiakujufigineqarneq pillugit unammilligassaqartoq aammattaaq Sullivimmik nalilersuinerup takutippaa.

Inuit 5 (3 pct.-t missaat) ullut tamaasa (inuit 2), sapaatit akkuneri tamaasa (inuit 2) imaluunniit qaammatit tamaasa (inuk 1) pimmatigineqarsimallutik akisimapput. Inuit 18, akisimasut 8 pct.-iisa assigisaat, arlaqanngitsunik pimmatigineqarsimallutik akisimapput.

Inuit 3 (2 pct.-p missai) ullut tamaasa (inuit 2) imaluunniit sapaatit akkuneri tamaasa (inuk 1) tiinganiakujufigineqarsimallutik akisimapput. Inuit 6 (3 pct.-it missai) arlaqanngitsunik tiinganiakujufigineqarsimallutik akisimapput.

Misissuinerimi inerniliussat tunngavigalugit, sullivimmi tarnikkut atukkat pillugit suliniuteqarnissamut suliassaqarfiit ukkatarineqartussat pingasut Kalaallit Nunaanni Politiit toqqarsimavaat, matumani:

- 1. Innuttaasunik attaveqarneq (nakkarsaanerit, qunusaarinerit, nakuusernerit)*

2. Pisut sakkortuut
3. Pimmatiginninneq/tiinganiakujuffigineqarneq
(suleqatit/aqutsisoq)

1 pillugu.

Politeeqarfiup tamarmiusup iluani nakuusernerit, qunusaarinerit aamma nakkarsaanerit pillugit pitsaaliuineq aamma isumaginninneq pillugit Rigspolitiit atortusaataasa atortuulersinneqarnissaat, Kalaallit Nunaanni Politiit ukkataraat.

Pisuni immikkut ittuni, Sulisunik piginnaanngorsaasut (HR) sulinermut atatillugu nakuuserneq, qunusaarneqarneq nakkarsarneqarnerlu, matumani najukkani aallaqqaataasumik oqaloqatiginninnerit suliarineqarneri kiisalu pisariaqartitsisoqartillugu avataaneersunit tapersersorneqarnissamik suliniuteqarnerit soorlu Rigspolitiini Psykologtjenesten-imut/StøtteRådgivning-imut innersuussinerit ilanngullugit, piviusumik sulisunut tunngatillugu isumagineqarnissaat, aqutsisunut sulisunullu siunnersuutigisarpaat.

2 pillugu.

Pisut sakkortuut pillugit tapersersuinissamik suliniutit patajaallisaavigneqarnissaat ingerlaavartumik ukkatarineqarpoq. Rigspolitiit Psykologtjeneste-iani tapersersuinissamik suliniutit tamarmik ullumikkut Kalaallit Nunaanni Politiini "on location" (sumiiffimmi suliniutit) aamma digitaliusumik saqqummiussivinnik atuinerit ataqatigiissillugit suleriaaseq aalajangersimasoq malillugu naammassineqartarput. Suliassap isumagineqarnissaanut tarnip pissusiinik ilisimasallit suleqatigiit immikkut ittut pilersinneqarsimapput, tassami Kalaallit Nunaanni pissutsinut ilisimasaqarnermut aamma inuttalersuinerup atajuarnissaanut tunngatillugu tapersersuinerup pitsaanerpaaffianiinnissaa immikkut ittumik pingaaruteqarpoq.

Aammattaaq Psykologtjeneste-p tarnip pissusiinik ilisimasalittai ukiumoortumik marloriarlutik Kalaallit Nunaannut tikeraartarput, taama tulleriillutik, upernaakkut ukiakkullu, taakkunani politeeqarfinnik tikerarneq aamma nunap immikkoortuini tamani oqaloqatiginninnernit aalajangersimasumik sukkassuseqartumik naammassineqartarlutik.

Politiinut qallunaanut, Kalaallit Nunaanni sulisunut, ikiuunnerit taamatuttaaq patajaallisaavigineqarput, taamaalilluni politiini tjenestemandit tamarmik Kalaallit Nunaanni sulilinnginnerminni, sulinermi nalaanni aamma sulereernermik kingorna tarnip pissusiinik ilisimasalimmik attaveqartarput.

Sullivimmi tarnikkut atukkat aqunneqarnissaannik, artorsaatissinneqarnerit pillugit psykologiimik, tarnikkut piareersimanermik, pisut sakkortuut malitseqartinneqarnerinik aamma ungasissumit aqutsinermik ukkassilluni, Kalaallit Nunaanni aqutsisunut ilinniartitsinermik ingerlatsineq 2022-imi aallartinneqarpoq. Ingerlatsineq 2025-ip ingerlanerani nutaamik naleqqussarlugu ingerlateqqinneqarnissaa naatsorsuutigineqarpoq aamma Psykologtjenesten aamma Kalaallit Nunaanni Politiit suleqatigalugit pissalluni.

3 pillugu.

Sullivimmik nalilersuineq aallaavigalugu ilaatigut aqutsisut ataatsimiinneranni pimmatiginninnerit/nakkarsaalluni pissusilersornerit akuerineqarsinnaannginnerat, aamma aqutsisut akuliunnissamut imaluunniit ajornartorsiuteqartoqarpat ajornartorsiutip ugartornissaanut pisussaaffeqarnerat oqaasertalerneqartarpoq.

Tamatuma saniatigut sulisumik oqaloqatiginninnerni (MUS-ini)/eqimattanik oqaloqatiginninnerni (GRUS-ini) pimmatiginninnerit/nakkarsaalluni pissusilersornerit immikkut ittumik aamma pinngitsuugassaanngitsumik sammineqartarput. Taamatuttaaq sulisut, sassarsimasut aamma eqqunngitsuliorfigineqarsimasut misigisimasut, toqqissisimanissaq pillugu oqaloqatigineqartarput. Aammattaaq sulisut, akuerineqarsinnaanngitsumik pissusilersorsimasut kinaassusersineqartut, atorfimmut tunngatillugu oqaloqatigineqartarput. Pinerluttulerinermik suliamik piviusumik aallartitsisoqassanersoq pillugu naliliiniarluni aamma aalajangiiniarluni, Politiit Naammagittaalliuutiginerannut Oqartussat Arlaannaannulluunniit Attuumassuteqanngitsut pisariaqartinneqartumik ilanngunneqartarsimapput.”

Iluarisimaarinninneq pillugu misissuineq aamma sullivimmi tarnikkut atukkat pillugit (tarnikkut APV) misissuineq tulleeq 2026-ip aallartinnerani naammassineqartussatut pilersaarutaammat,

ilassutigalugu Rigspolitiit paasissutissiissutigisinnaavaat. Taakkua saniatigut Kalaallit Nunaanni Politiini sullivimmi tarnikkut atukkat aamma aqutsisut ineriartortinneqarnerat pillugit suliniutit pillugit Rigspolitiit ingerlaavartumik Kalaallit Nunaanni Politiinik oqaloqatiginnittarput.”

2. Kalaallit Nunaanni inatsisit atuutsinneqarnerannut suliaasaqarfiup ineriartortinneqarnissaa naalakkersuisunut salliutissallugu pingaaruteqarpoq, aamma ulloq 18. august 2025 qanittukkut nuummiinninni suliniutit arlallit, Kalaallit Nunaanni inatsisit atuutsinneqarnerannut suliaasaqarfiup patajaallisarneqarneqarnissaanik siunertaqartut saqqummiuppakka. Saqqummiussinermi aamma Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoq Naaja H. Nathanielsen peqataavoq.

Politiinut unnerluussisussaataitaasunullu ukiunut arlalinnut nutaamik isumaqatigiinniarnermut ilaasumik, Kalaallit Nunaanni Politiinngorniat atuarfianni kalaallisut oqaasillit ilinniartut amerlanerulersinneqarnissaat aamma politeeqarfimmi sulisut kalaallisut oqaasillit attatiinnarneqarnissaannut pilerisaarinerit suli allat pilersinneqarnissaat, naalakkersuisut ilaatigut siunnersuutiginiaraat, suliniutini ilaatinneqarput. Aammattaaq Kalaallit Nunaanni Politiinngorniat atuarfiat patajaallisaavigineqarsinnaanersoq pillugu qulaajaasoqarnissaa siunnersuutigineqarpoq.

Taakkua saniatigut Kalaallit Nunaanni suliffimmi pissutsit aamma - atugassarititaasut pillugit, matumani politiinut ikiortiinut angusassanik toraagaqarluni ilinniartitaanissamik neqeroorutit kiisalu ilinniakkanut qinnuteqaratarsinnaasunut ilisarititsinernik- aamma piareersaataasunik ingerlatsinerit ilanngullugit, suliniutit arlallit naammassineqarnissaat ilaatigut naalakkersuisut siunnersuutigiumavaat. Ilaatigut sulisunut tamanut ataqatigiissaakkamik oqaatsinik ilinniartitsinermik neqerooruteqarnikkut, Kalaallit Nunaanni Politiini ulluinnarni sulinermi kalaallit oqaasiisa annertunerusumik ilanngunneqarnissaat siunnersuutigineqarpoq. Nuummi nutaamik pingaarnertut politeeqarfimmik pilersitsinnissaq aammattaaq siunnersuutigineqarpoq, taamaalilluni politiit unnerluussisussaataitaasullu pingaarnertut politeeqarfimmi ataatsimi katersorneqassallutik, tassanilu immikkut ittumik aaqqissuussisoqarnissaanik pisariaqartitsineq tikilluaqquneqassalluni, matumami Kalaallit Nunaanni politiinngorniat

ilinniarfiannut init nutaat, upalungaarsimaffik, isertitsivit il. il. ilanngunneqassallutik.

Kalaallit Nunaanni politiinnngorniarnissap pilerinarnerulersinneqarnissaanut suliniutit ataatsimut isigalugit peqataanissaat aamma taakku aqutigalugit ilinniartunik nutaanik amerlanerusunik tigusinissap qulakkeerneqarnissaa aamma pitsaanerusumik attassinissaq siunertarineqarpoq.

Kalaallit Nunaanni inatsiseqarnermut suliassaqarfimmi suliniutit erseqqinnerusumik atortuulersinneqarnissaat, Naalakkersuisut oqaloqatigalugit pissaaq.”

3. Nunatsinni politiit sulinerminni atugaat qanoq Naalakkersuisut nalilerpaat, tassani aamma akissarsiaqarnerat, inuttaqarniarnerat ilinniarnissamullu periarfissat?

Akissut:

Suleqatiminnut qallunaanut sanilliullutik akissarsiatigut atugassarititaasut assiginik Kalaallit Nunaanni politiit peqanngimmata, Naalakkersuisut nalorninartoqartippaat. Assigiinngisitsineq taanna qanga pisimasunit amiakkuuvoq, sumi inunngorsimaneq tunngavigalugu atugassarititaasut pillugit eqqaamasanik nuanninngitsunik eqqaasitseqqittoq illersorneqarsinnaanngitsorlu. Taamaammat akissarsiatigut assigiinngisitsinerup peerneqarnissaa Naalakkersuisut noqqaassutigisimavaat.

Politiit amerlassusaa agguarneqarneranni najugaqartut amerlassusaasa appariartornerat aamma appasippallaarnerat, Naalakkersuisut aamma maluginiarpaat. Aalaakkaanusumik aamma politiit najukkaninngaanniit tunngaveqartut qulakkeerneqarnissaannut suliniutit patajaallisaavigineqarnissaannik pisariaqartitsineq tamatuma tikkuarpaa. Ukkatarinninnermi tassani ilaasut tassaapput Kalaallit Nunaanni Politiinnngorniat atuarmiannut annertunerusumik atuartussarsiorneq aamma ilinniartitaanermik ingerlatsinerup kalaallisut naammassineqarsinnaanera. Inatsisit atuutsinneqarnerannut suliassaqarfimmi suliniutit pillugit Inatsiseqarnermut ministereqarfimmit siunnersuummi kingullermi “Kalaallit Nunaanni politiinnngorniat ilinniarfiannut ilinniartut kalaallisut oqaasillit inuttassarsiarineqartarnerisa patajaallisaavigineqarnissaat aamma politeeqarfimmi sulisut kalaallisut oqaasillit attatiinnarneqarnissaannut suli annertunerusumik

kajuminnerulersitsinissap pilersinneqarnissaa, naalakkersuisut kissaatigaat” takuneqarsinnaavoq. Suliaq taanna soqutigalugu Naalakkersuisut malinnaaffiniarpaat.

2024-imi Sullivimmik nalilersuinermit naammassineqartumit inerniliussat Naalakkersuisut ernumassutigaa. Sulisut ilaannut inuiaqatigiinni pingaaruteqartumik suliasamik suliaqarnerminnut atatillugu, kisianni aamma suliffiup iluanit, misigisanik akuerineqarsinnaanngitsumik sunniuteqartartunik misigitinneqartarnerat, suliffimmi pissutsit atuunnerat taassuma takutippaa. Ajornartorsiutit isumagineqarnerat, aamma pissutsit pitsaanerulersinneqarnissaannut piviusunik alloriartoqarmat, Naalakkersuisut nuannaarutigaa. Najugaqartut amerlanerit politiini inuttassarsiarineqarnissaat iluatsissappat, tamanna aamma pisariaqartinneqassaaq. Taamaammat Kalaallit Nunaanni politiit inuiaqatigiinni pingaaruteqartumik suliasaminnik kivitsinissaanut pisariaqartinneqartunik killissaqartinneqarnissaat isumalluuteqartinneqarnissaallu pillugit suliaqarneq Naalakkersuisut ingerlateqqinniarpaat.

- 4. Naalakkersuisut suliniuteqarnialersaarnerpat Jutsitsministeriaqarfimmut nutaamik isummersoqatigiinnissamik maani nunatsinni politeqarnerup qaffassarnissaanik, tassani akissarsiat- aamma atorfinitsitaanermut tunngasut ilanngullugit?**
- a. Politiini sulisussarsiornermut tigummiinnarnissaanullu sulinermi atukkat naammannngitsut pillugit isumakuluuteqarnermut Naalakkersuisut isumaqataappat?**

Akissut:

Inuiaqatigiinni pingaarutilimmik suliaqartussanik, soorlu politiini, sulisunik attassiinnarniarluni inuttassarsiuiniaarlunilu piumasaqaatit unammillersinnaasut pigineqarnissaat pingaaruteqartoq, Naalakkersuisut isumaqarput. Taamaammat politiit pillugit suliasaqarfimmut pisariaqartinneqartumik killiliussassat aningaasaliinerillu naammattut qulakkeerniarlugit Naalakkersuisut ingerlaavartumik inatsiseqarnermut ministeri qanittumik oqaloqatigisarpaat. Kalaallit Nunaanni politiinut inissiisarfirmilu nakkutilliisunut akissarsiatigut- atorfinitsitaanermilu atugassarititaasunut, Danmarkimi Savalimmiunilu piumasaqaatit pillugit killiffinniittussanut, tamanna ingammik atuuppoq.

Assigiinngisitaanermut tassunga iluarsiiisuteqarniarluni qallunaat inatsiseqarnermut ministeriat 2023-imi junimi neriorsuivoq, aamma

Kalaallit Nunaanni, Savalimmiuni Danmarkimilu tjenestemandinut akissarsiatigut- atorfinitsitaanermilu atugassarititaasunik assigiissaarisussamik 1. april 2026-imiit atuutilertussamik isumaqatigiisummik nutaamik isumaqatigiissusiortoqassasoq nalunaarutigineqarpoq. Tamanna Naalakkersuisut pitsaasorujussuurtut isigaat, aamma politiini sulisussat inuttassarsiariniarneqarnerannut attatiinnarneqarnissaannullu allannguissasoq naatsorsuutigalugu.

5. Naalakkersuisut oqaluuserisamut soqutiginaatilinnik allanik paasisutissiisinnaanerlutik?

Akissut:

Inatsiseqarnermut ministeri Peter Hummelgård ulloq 18. august Nuummi tikeraarpoq, tassanilu politiinut unnerluussisussaataitaasunullu ukiumut arlalinnut isumaqatigiissut nutaq kiisalu inatsisit atuutsinneqarnerannut suliaasaqarfimmut suliniutit nutaat ullormut oqaluuserisassaniissimapput. Piffissamut 2026-imiit 2030 ilanngullugu 850 mio. koruunit missaat immikkoortinneqarput, taakkulu ilaatigut Kalaallit Nunaanni politiini sulisut annertuumik nutarteriffigineqarnerannik kinguneqassapput, tassani inuup ataatsip ukiumut suliarisinnaasaasa naatsorsorneqarnerannik 31-inik ilaneqassallutik, taamaaliernerullu nunamut tamarmut iluaqutaanissaa Naalakkersuisut naatsorsuutigaat, kiisalu ingammik eqqugaasunut mianerisarialinnut sulisut inuup ataatsip ukiumut suliarisinnaasaasa naatsorsorneqarneranni 9,6-inik ilaneqassapput, taamaaliernerlu politiinut, sulianik taamaattunik naapitsisartunut, sulinikkut tarnikkullu artorsaatissinneqarnut oqilisaataanissaa naatsorsuutigineqarpoq. Pitsanngorsaanerit suliniutillu piviusut, inuttassarsiuinermi inuttassarsiarineqartartut aamma attassiinnarnerit amerleriarnissaanik kinguneqartussat, isumaqatigiisummi neriorsuutigineqarput, tamannalu soorunami Naalakkersuisut qanittumik malinnaaffigissavaat.

Foreningen Thin Blue Line, politiinik sulitillutik ajoqusersimasunik tapersersuisartut, 2025-imi maajimi Kalaallit Nunaanni immikkoortortaqarfirmik pilersitsisimmammata naggataagut ilisimatitsissutigisinnaavara. Tapersersuinerit assigiinngitsunik ilusillit neqeroortutigineqarnerisa saniatigut, ilaasortat attaviit sammisaqartitsinerini peqataasinnaapput, tassani misigisat artornartut, suliffiup malitsigisinnaasai, suliarinissaat inissaqartinneqarpoq.

Peqatigiiffik qallunaat aningaasanut inatsisaat aqqutigalugu
anigaasalersorneqarpoq.

Suliniut taanna pitsaasorujussuarmik ineriartornertut Naalakkersuisut
isigaat.

Inussiarnersumik inuulluaqqusillunga

Naaja H. Nathanielsen

Naaja H. Nathanielsen